



## Universitätsbibliothek Paderborn

**Canonicorvm Regvlarivm Ordinis S. Avgvstini Origines ac  
Progressus, Per Italiam, Hispaniam, Galliam, Germaniam,  
Belgium, aliasque orbis Christiani prouincias**

**Le Mire, Aubert**

**Coloniae Agrippinae, 1614**

Capvt XLVIII. Pompvrg Sev Pampvrg, in Bauaria.

**urn:nbn:de:hbz:466:1-11321**

tati, omnes concorditer prædictam filiam non solum vacantem, verum etiam cuique parti addictam ad monasterium deputarunt, quin etiam alios vicinos fundos ac bona pro ædificatione monasterij tradiderunt. Dietramus porrò missus est Romam, & à Paschalii Pontifice confirmationem huius rei obtinuit anno 1107. Ex qua intelligitur prædictos <sup>1107.</sup> viros nobiles hoc cœnobium simul fundasse, & multis donis auxisse.

## CAPUT XLVIII.

POMPVRG SEV PAMPVRG,  
in Bauaria.

**E**st monasterium Canonicorum reguliarium S. Augustini ad confluentes duorum fluminum *Traun* & *Alg*: de cuius fundatione ita scribit Ioannes Auentinus lib. 5. Annal. Bauariæ: *Adlhaid filia Cunonis, Comitis de Megling ac Irmogardæ, cum marito Berengerio. filijs, Berengerio & Cunrado à Sulzbach (opidum id Nariscorum est) dynastis ad confluentes Train & Alissæ, Pampurg, ubi humati perhibentur, collegium Augustinianum constituant.*

Idem Auentinus lib. 7. ponit. Pampurgium olim arcem fuisse in Boiaria Noricorum, ad radices Curuancæ montis & cōfluentes Azali atque Train sitam, nunc in collegium Augustinianorum mystarum commutatam.

Inscriptio lapidis in pariete templi dicti monasterij ita habet: *Hoc in loco sepulti sunt mari-  
ti illustris Comitissae Adelhaidis, fundatricis huius Ecclesiae, quæ fuit illustris Principis Bauariae (id est Comitis) Cunonis filia, Marquardus Comes de Hohenstein & Marquartstein, Ulricus Comes de Pietauia (id est Pitten in Austria) & Berengarius Comes de Sutzpach.* Sic ferè Hundius in sua Metropoli Salisburgenſi.

## CAPUT XLIX.

*BEVERBERGENSE, VULGO PEIL-  
bergense monasterium, ad Loysam,  
in Bauaria.*

**E**st id ædificatum per Othonem, Eberhardum, & Conradum de Iringsburg, fratres: at secundum Auentinum, per Eberhardum & fratrem eius Albertum, qui Imperatori Henrico quarto plurimum acceptus fuit, vna cum coniuge Alberti Bertha, & filio Othono dicatumque circa annum 1100.

1100. Confirmatio autem Calixti secundi Pontificis, scripta ad Othonem fundatorem (quem vocat nobilem & illustrem Othonem de Castro Yringi) ipsius tantum mentionem facit, quod ipse prædium suum in Peilberg dederit, ut ibi in honorem S. Petri & Pauli pro regularibus fratribus Ecclesia construeretur, dans monachis facultatem quem velint Ad- uoca-